

खास—खास खबरें .



### Headlines

- 1 गृहमंत्री अमित शाह होरें इक उच्ची सतह दी बैठक लाइयै वाईब्रेंट विलेज प्रोग्राम दी अमलावरी दा जायजा लैता ऐ।
- 2 गृह मंत्रालय नै जम्मू कश्मीर सरकार दे कम्मकाज सरबंधी नियमें च तरमीम कीती ऐ।
- 3 फौजी कमांडर होरें जवानें गी आखेआ ऐ जे ओह मुस्तैद ते सौहगे—सतर्क रेहियै अपनी फौजी कारवाइएँ लेई तैआर—बर—तैआर रौहन।
- 4 श्री अमरनाथ जी दी यात्रा दरान अजें तगर 2 लक्ख 80 ज्हार शा मते श्रद्धालुएं शिवें दे हिमलिंगम रूपै दे दर्शन करी लैते न। अज्ज साढ़े 4 ज्हार शा मते अमरनाथ श्रद्धालुएं दा जत्था जम्मू थमां घाटी लेई रवाना होआ।
- 5 अनंतनाग जिले च मते प्राचीन मंदरें चा इक गी 34एं बरें परैत फही खोलेआ गेआ ऐ।



### **Shah-Vibrant Village**

केन्द्री गृहमंत्री अमित शाह होरें अज्ज नमीं दिलली च इक उच्ची सतह दी बैठक लाइयै वाईब्रेंट ग्राएं सरबंधी कार्यक्रम दी अमलावरी दा जायजा लैता। इस मौके शाह होरें गलाया जे प्रधानमंत्री नरेन्द्र मोदी हुंदे नेतृत्व तैहत सरकार बन्ने आले ग्राएं दे पूरे पराते विकास लेई वचनबद्ध ऐ। शाह होरें मकामी बसनीकें गी रोजगार दे मौके उपलब्ध करोआने ते ग्राएं तोड़ी संपर्क बधाने दी जरूरतै पर जोर पाया तां जे सरहदी ग्राएं थमां लोकें दे प्रवास गी रोकेआ जाई सकै। मंत्री होरें गलाया जे

बन्ने आले ग्राएं कश तैनात केन्द्री थेआरबंद पुलस बलें ते फौज गी बी सरकारी समितिएं दे राएं मकामी राई—बाई ते दस्तकारी उत्पादें दी खरीद गी बढ़ावा देना लोड़चदा ऐ। वाईब्रेंट विलेज प्रोग्राम योजना दे तैहत 136 सरहदी ग्राएं गी हर मौसम दरान चालू रौहने आली 113 शिड़क परियोजनाएं दे राएं संपर्क उपलब्ध करोआया जा'रदा ऐ ते एहदे पर 2 ज्हार 420 करोड़ खर्च कीते जा'रदे न। इनें ग्राएं च माली समावेश जकीनी बनाने लेई उचित गैही पुट्टियां जा'रदियां न ते इंडिया पोस्ट—पेमेंटस बैंकें दियां बी सुविधा उपलब्ध करोआइयां जा करदियां न।

<><><><><><><>

## MHA Bussiness

केन्द्री गृह मंत्रालय नै प्रशासनिक खेत्तर च जम्मू कश्मीर दे उपराज्यपाल होरें गी मते अख्तियार देने लेई जम्मू कश्मीर दे पुर्नगठन सरबंधी कनून 2019 तैहत प्रदेश दे कारोबारी लैन—देन मत्तल्लक नियमें च कल, तरमीम कीती। इस तरमीम कन्नै उपराज्यपाल होरें गी पुलस, सार्वजनिक बवस्था ते कुल भारती सेवा दे अधिकारिएं दे तबादलें ते नियुक्तिएं च मते अख्तियार हासल होई गे न। तोआई प्रदेश दिएं सियासी पार्टिएं उपराज्यपाल होरें गी मते अख्तियार देने दे केन्द्र सरकार दे इस कदम दी सख्त नुख्ताचीनी कीती ऐ। नेशनल कांफ्रेंस ते पीपुल्स डैमोक्रेटिक पार्टी नै आखेआ ऐ जे एह फैसला प्रदेश दे लोकें गी मता कमजोर बनाई देग। तोआई कांग्रेस नै इस फैसले गी लोकतंत्र दी हत्तेआ करार दित्ता ऐ जिसलै के अपनी पार्टी नै सब्बने सियासी पार्टिएं गी गुजारश कीती ऐ जे ओह इस गैह खलाफ इकजुट होइयै प्रदर्शन करन।

<><><><><><><>

## Army Commander

नॉर्दन आर्मी दे कमांडर लैफ्टिनेंट जनरल एम.वी.सुचिन्द्र कुमार होर अज्ज लद्दाख च असल कब्जा रेखा दे कन्नै लगदे इलाके च दौरा कीता ते सैनिकें गी परिचालन सरबंधी तैआरी च रौहने आस्ते आखेआं आर्मी कमांडर हुंदे कन्नै लेह स्थित फॉयर एंड फ्यूरी कोर कमांडर दे जनरल अफसर कमांडिंग बी शामिल हें उनें सैनिकें दे व्यवसायी प्रतिष्ठा दी सराहना बी कीती। उनें परिचालन सरबंधी तैआरी च रौहने आस्तै आखेआ।

<><><><><><><>

## Ladakh-Kargil Vijay Diwas

लद्दाख च कारगिल विजय दिवस दी रजत जयंति दी शुरुआत करने आस्तै भारतीय सेना नै कारगिल हैलीपैड उप्पर “ Know Your Army” नां दे थेआरें ते उपकरणें दे शानदार प्रदर्शन दी मेजबानी कीती। इस मौके उप्पर 8 मॉउटेन डिवीजन जनरल सचिन मलिक होर मुख् परौहने हे। उंदे कन्नै 121 इनफैंट्री ब्रिगेड दे ब्रिगेडियर प्रतीक पराशर होर ते बाकी ऑर्मी अफसर इस मौके पर शामिल हे। इस मौके पर उत्साही भीड़ जमा होई दी ही, जिंदे च बक्ख-बक्ख स्कूलें दे बच्चें, डिग्री कालेज कारगिल ते डिग्री कालेज जंस्कर दे विद्यार्थिं समेत एनसीसी कैडेट बी शामिल हे। इस समुदाय दे लोकें गी भारती सेना ते भारतीय वायु सेना दे नमें थेआर दस्से गे। थेआरें दी प्रदर्शनी ते रोमांचकारी सवारी, हॉट एयर बैलून सवारी ते इयै जनेह मनोरंजन दृश्यें कन्नै उत्थें बैठे दे युवा ते लोक इयै किश दिक्खियै मोहित होई गे। “ Know Your Army ” नां दी थेआरें दी प्रदर्शनी नै उत्थें बैठे दे 3 ज्हार मकामी लोकें ते बच्चें गी मनोरंजन दे कन्नै कन्नै शिक्षा ते प्रेरणा देने दा बी कम्म कीता।

<><><><><><>

## Army Camp(byte)

बन्ने आले इलाकें दिएं कुड़िं गी सशक्त बनाने दे मकसद कन्नै भारती फौज अखनूर च 7एं दिनें दे एयर राईफल ते पस्तोल सिखलाई कैंप दा सरिस्ता कीता। कैंप दा समापन इक मकाबले कन्नै होआ जेहृदे च कुड़िं बड़े जोश कन्नै हिस्सा लैता। इस बारे अपने बचार सांझे करदे होई इक प्रतिभागी नै गलाया.....बाईट

<><><><><><>

## Income Tax Collection

औंदन टैक्स मैहकमे नै 2024-25 आले माली ब'रे लेई प्रतक्ख टैक्सें दे तौर पर 6 लक्ख 45 ज्हार करोड़ रपे कठेरे न ते कल्लै जंदी 11 जुलाई तगर 70 ज्हार 902 करोड़ रपें दे रिफंड बी जारी कीते न। मैहकमे आस्सेआ जारी आंकड़े मूजब कुल कठेरे गेदे टैक्स च 2 लक्ख 65 ज्हार 336 करोड़ रपें दा कारपोरेट टैक्स, 3 लक्ख 61 ज्हार 862 करोड़ रपें दा व्यक्तिगत औंदन टैक्स ते 1

जहार 426 करोड़ रुपें दे होर दुए टैक्स शामिल न। कठेरे गेदे कुल प्रतक्ख टैक्सें च तकरीबन 20 फीसदी बाद्धा दर्ज कीता गेआ ऐ जेहड़ा 5 लक्ख 74 जहार करोड़ रुपें शा मता बनदा ऐ।

<><><><><><>

## Amarnath Yatra

ऐल्ले जारी श्री अमरनाथ जी दी सलाना यात्रा दे दरान अजें तोड़ी पिछले 14एं दिनें दरान 2 लक्ख 80 जहार शा मते श्रद्धालुएं श्री अमरनाथ जी दी पवित्र गुफा च बर्फू'नै बने दे हिमलिंग दे दर्शन करी लैते न। अधिकारिएं मूजब छड़ा कल गै संजा तोड़ी 14 जहार 30 श्रद्धालुएं बाबा बर्फानी हुंदे दरबार च मत्था टेकेआ ऐ। इनेंगी रलाइयै अजें तोड़ी 2 लक्ख 80 जहार 728 श्रद्धालु श्री अमरनाथ गुफा च शिवें दे हिमलिंग रूपै दे दर्शन करी चुके न। तोआई 4 जहार 669 श्री अमरनाथ श्रद्धालु दा इक होर जत्था अज्ज बडलै जम्मू थमां कश्मीर घाटी लेई रवाना होआ। 183 गड्डिएं दे काफले च रवाना होए दे इस जत्थे च 3 जहार 418 मर्द, 1 जहार 130 महिलां, 23 बच्चे, 96 साधु ते 2 साध्वियां शामिल हियां। 52एं दिनें तगर चलने आली श्री अमरनाथ जी दी एह सलाना यात्रा 19 अगस्त गी रक्खड़ पुन्नेआ आले दिन सम्पन्न होई जाग।

<><><><><><>

## Ancient Temple

दक्खनी कश्मीर दे अनंतनाग जिले च स्थित प्राचीन मंदरें च इक गी 34एं ब'रें परैंत फही खोलेआ गेआ ऐ। घाटी च 1990 च बने दे माड़ हालात गी दिक्खदे होई एह मंदर बंद करी दित्ता गेआ हा। उआं हुन इलाके दी मकामी मुस्लिम आबादी दे सैहयोग कन्नै इस मंदी गी कल खोलेआ जा'रदा ऐ। देवी उमा भगवती हुंदी मूर्ति दे कन्नो कन्नी पंचमुखी हनुमान जी हुंदी मूर्ति बी मंदर परिसर च स्थापत कीती जा'रदी ऐ। बरारी आंगन च स्थित मां उमा भगवती हुंदा एह मंदर इक प्राचीन धार्मिक स्थल ऐ। जित्थें जम्मू कश्मीर दे बक्ख-बक्ख हिस्सें थमां श्रद्धालु मत्था टेकन औंदे न।

<><><><><><>

## MP Khatana

राज्यसभा दे सांसद इंजीनियर गुलाम अली खटाना होरें जम्मू कश्मीर च निर्माण आले समान दी बधदी अनियंत्रित मैहगाई उप्पर गैहरी चिंता व्यक्त कीती। उनें जोर पाया जे इस समेयान दी बधदी

मैहगाई कन्नै दरमयाने तबकें आस्तै घर बनाना बी मुश्कल होई जाग। उनें खास करियै रेत ते बजरी दे बघदे भाएं उप्पर लोह पाई, की जे माफिया इंदे उप्पर सरकारी भाएं थमां चार गुणा मते भाह लै'रदा ऐ। सांसद खटाना होरें जम्मू कश्मीर दे खनन विभाग ते डिप्टी कमीशनरें गी इनें प्रथाएं उप्पर रोक लाने आस्तै आखेआ। उनें इस गल्ला उप्पर जोर पाया जे सरकारै आस्सेआ निर्धारत कीते गेदे भाएं कन्ने इनें तत्वे उप्पर रोक लाइ सकदी ऐ जेहूडे इस निर्माण आले समेयानें गी मैहगा बेचियै एहदा शोषन करा'रदे न।

<><><><><><><>

### Medical Camp(byte)

पुंछ दी जिला सेहत सोसायटी नै राष्ट्री बाल स्वास्थ्य कार्यक्रम दे तैहत नौपोरा श्रीनगर आले Smile Train Cleft Centre दे सैहयोग कन्नै जिले दे डीईआइसी च इक मुफ्त जांच ते जागरूकता कैप दा आयोजन कीता। पुंछ दे डिप्टी कमीशनर यासीन एम. चौधरी होरें इस कैप दा उदघाटन कीता जेहदा मकसद Cleft Lip ते Palate यानि होंठ ते तालू सरबंधी विकृति शा ग्रसत बच्चे दा इलाज जकीनी बनाना ऐ तां जे ओहू बी सामान्य जीन जी सकन।

<><><><><><><>

### Auto Rickshaw Drivers

मोटर गड्डिडएं मैहकमे नै कल ऑटो ते ई-रिक्शा दे डरैवरें गी चेतावनी दित्ती ऐ जे ओह सवारी थमां मता किराया लैंदे न ते अधिसूचित किराएं जां मीटर मताबक कराया नेई लैंदे न तां उंदे खलाफ सख्त कारवाई कीती जाग। इस अभियान दरान प्रवर्तनविंग नै डरैवरें गी दस्सेआ जे ओह इस नियम दा उल्लंघन करगंन तां मैहकमा उस डरैवर उप्पर जोर कारवाई करदे होई गड्डी दी आरसी जां ड्राइविंग लसैंस बी रद्द करी सकदा ऐ। श्री अमरनाथ जी दी यात्रा दरान यात्रुएं कोला मता किराया लैने दी शकैतां औने मगरा मैहकमे नै एह अभियान चलाया ऐ। इस मौके उप्पर बोलदे होई जम्मू दे रिजनल ट्रांसपोर्ट अफसर पंकज भगोत्रा होरें आखेआ जे मैहकमा शिडकें उप्पर अनुशासन रखने लेई वचनबद्ध ऐ।

<><><><><><><>

## Ramban PMAY

प्रधानमंत्री आवास योजना दा खास मकसद गरीब ते बेघर लोकें गी सुरक्षत ते आरामदायक घर दोआना ऐ जेह्दे च बुनियादी सुविधां बी शामिल होन। जिला प्रशासन रामबन खरी चाल्ली रामबन दे ग्राएं आले इलाकें च इस योजना गी तोड़ चाढ़ा'रदी ऐ। इस योजना दे तैहत बीपीएल परोआरें गी सरकार इक लक्ख 30 ज्हार रुपें दी माली मदाद बी देआ'रदी ऐ। एह राशि सिद्दा लाभार्थिं दे खाते च 4 किश्तें च भेजी जंदी ऐ। एह राशि भेजने शा पैहले निर्माण कार्य दी पूरी जांच ते कन्नै जियो टैगिंग कीती जंदी ऐ।

<><><><><><>